

新鑄古今事物原始全書

新鐫古今事物原始金書卷之五

明臨安徐炬明夫輯

仁和張檉仲明校

禮儀

周禮大宗伯以吉禮事邦國之鬼神以凶禮哀邦國之憂以喪禮哀死亡以荒禮哀凶礼以弔禮哀禍裁以昏冠之禮親成男女而禮儀之節其來尚矣

冠

男子冠而字之敬其名也女子笄而亦字其事冠禮  
圖載之詳矣固不重輯

故

昏

帝王世紀云包犧氏都陳制嫁娶之禮以脩人道之始史記云伏羲氏制嫁娶以儷皮為禮今曰諧伉儷即此義也

媒妁

鄭康成曰太昊制昏禮則判合之義當有所由而媒妁通兩家之好宜此始也至周始置媒氏之官掌萬民之判焉

撒麻米

漢京房之女適翼奉之子奉擇日迎之房以其日不

吉以三煞在門之故也三煞者乃青羊烏雞青牛之神也凡是三者入門新人不得入犯之損尊長及無子奉以為不然婦將至門但以麻豆穀米與草火穰之則三煞自避新人可入也自是以來凡嫁娶者置草火于門前候新人轎及門則燃草火名曰攬轎及新人進房以麻米撒之名曰撒麻米至今以為故事

### 跨馬鞍

唐曆曰胡虜之俗常坐女于馬鞍之側此胡人尚乘鞍馬之義也段成式酉陽雜俎曰今士夫家新婦出轎而跨馬鞍悉北朝之餘風也或曰取平安之義

合卺

昏禮婦至門壻揖而入合卺而飲共牢而食即今之所謂喫同和盃也取同心和合之義

婦人拜

禮曰男拜尚左女拜尚右居喪之禮男拜稽顙女子則否是古者男女之拜一也孫甫唐書云唐武后欲尊婦人以屈膝為拜而稱萬福者始于唐武后時也按周禮九擗九曰肅拜但直身肅容而微下手自古婦人皆肅拜也今則微屈其膝而躬不屈名曰起曰福曰萬福男子則長揖謂之相揖也趙宋張齊賢之

母入大内帝曰婆婆老福亦武后之遺意也

改適

唐書云宣宗之女萬壽公主下嫁之後遂詔公主有子而寡不得復嫁宋制主薨夫亦不得復娶

喪

通典曰喪期無數者謂黃帝時心喪終身也三王乃制喪服則衰經之起自三代始也

五服

淮南子曰三月之服夏后氏之禮也而五縗之服三年春年五月九月三月謂之五服也五服之等原于

夏而備于商周

母服

三代之制父在母死止服齊衰墓年唐武后始詔同父三年之喪

以日易月

五代會要曰後唐同光三年禮儀使奏曰粵自漢文帝益尊神噐徇至公絕私義以日易月之制始

含襚

凡人初死實以珠玉金銀于口中曰含以衣衾贈死者曰襚梁曰貝玉曰含衣衾曰襚

面帛

呂氏春秋曰夫差誅伍子胥數年越報吳殘其國夫差將死曰死者如其有知也吾何面目見子胥于地下乎乃為瞑以冒其面而死風倂通及說苑二說皆同今人死以帛覆面即此義

糧罌

王肅喪服要記曰昔魯哀公祖載其父孔子曰寧設五穀囊者公曰否也五穀囊者起自伯夷叔齊不食周粟而餓死恐其魂之饑也故設五穀囊吾父食味含哺而死何用此焉今喪家置糧罌其事始於夷齊



之世歟

棺槨

上古人死衣之以薪檀弓曰有虞氏始置瓦棺不用薪矣夏后氏用土槨商周並用木槨漢趙咨曰棺槨之造自黃帝始按易繫辭云古之葬者厚衣之以薪後世聖人易之以棺槨孔穎達疏云有虞氏用瓦棺未必用木槨以前有柩經文不載則棺槨自商以後有之夏以前未具也而易以為黃帝堯舜之事焉國君大棺八寸屬六寸槨四寸上大夫大棺八寸屬六寸下大夫大棺六寸屬四寸士棺六寸惟大棺最在

屬在大棺之內裨又在屬之內是國君之棺三重有虞氏瓦棺夏后氏堅殷人棺槨周人牆置羿注云聖者火之餘燼蓋治土為難而四周於棺之次也殷世始為棺槨周人又為設棺之具蓋弥文矣牆柳衣也柳者聚也諸飾之所聚也以此障柩猶垣牆之障我故謂之牆

娶

今挽卽所持以蔽喪車之前後以為飾者世本曰武王作羿古史考曰周公作娶注云娶者如扇之狀有畫為黼者有畫為黻者有畫為雲風者聖者稷

葬埋

孟子曰上世有不葬其親者其親死則舉而委之於  
壑他日過之狐狸食之蠅蚋姑嘬之其類有泚睨而  
不親蓋歸反藁而掩之則葬埋之禮疑自此起炎帝  
之前厚衣之以薪葬之中野不封不樹而葬有棺槨  
考之黃帝內傳及劉向說苑皆云始于黃帝時

挽歌

通典曰漢高帝時齊王田橫自殺故吏不敢哭泣但  
隨柩叙哀為薤露蒿里之歌蓋從者以寄哀耳漢武  
帝時李延分而為二薤露送王公貴人蒿里送大夫

庶士蓋二歌之起始自橫也按左傳云哀公十一年  
會吳伐齊將戰公孫夏命其徒歌虞殯杜預注云送  
葬歌曲所以哀死也孔穎達疏云虞者啓也殯將啓  
而歌之即今之挽歌也又按莊子曰紼謳于所生必  
于斥若司馬彪注曰紼引柩索也謳挽歌也斥疏緩  
貌若急促貌蓋言引紼而謳為用人力以挽柩者所  
歌故曰挽歌然則挽歌實起于虞殯亦周人之制也  
世言挽歌起自田橫疑橫之門人沿周人虞殯之歌  
立薤露蒿里之名色耳

銘旌

禮記曰死者不可以必故以其旗識之喪禮之有銘旌乃周制也喪服小記曰書銘自商始非周禮也周官司常氏大喪具銘旌因商事耳士喪為銘各以其物銘于末曰某氏某之柩置于西階之上商以前皆書姓男名女字無書國者后亦不書氏至魏以為天下之號無所復別臣子故稱之以自別也

### 明器

禮檀弓曰孔子謂為明器者知喪道乎其曰明器神明之也蓋塗車芻靈自古有之明器之道也謂為芻靈者善為俑者不仁為其像人而用之也俑者是偶

人有面目似生人者。孔子善古而非周。按周官冢人反葬言。驚車像人。其事始于周也。今直以俑號為明器。云又按禮曰。夏后氏用明器。謂竹不成用。瓦不成味。木不成斲。琴瑟張而不平。笙等備而不和。是有鍾磬而無篋簠也。若以俑為明器。誤矣。

### ○寓錢

唐王嶼傳曰。玄宗時。嶼為祠祭使。言漢以來葬者。皆有瘞錢。後世俚俗。稍以紙寓錢為鬼事焉。今喪祭之焚紙錢。倣漢世瘞錢之義也。今禱神及僧道有穰謝法事之用紙錢。自唐王嶼始也。

合葬

禮記檀弓云季武子曰合葬之事非古制也自周公以來未之有改葬葬蒼梧之野二妃未之從也合葬之禮自周公始焉故周桓王之詩曰死則同穴

方相

軒轅本紀云帝周游時元妃嫫祖死于道帝令次妃嫫嫫監護自置方相一名防喪此其始也信云祆道神或曰祆乃胡神也周禮有方相氏狂夫四人大喪先匱及墓入壙以戈鑿四隅故今喪家以方相先馳于前今俗名開路神

# 魃頭

宋朝喪葬之制有方相魃頭之別。皆是其品之所當用者。而世以四目為方相。以兩目為魃頭。按漢世逐疫用魃頭。亦周禮方相氏之比也。方相氏身蒙熊皮。以黃金飾四目。索室以驅疫。即今之魃頭是也。

# 墓誌

吳季札之喪。孔子銘其墓曰。嗚呼。吳延陵季子之墓。莊子曰。衛靈公葬沙丘。掘得石柳。銘曰。不馮其子。靈公奪而埋之。前漢杜子春臨終。作文命刻石埋于墓前。疑墓誌因此始也。魏侍中繆襲改葬父母於墓下。



埋文將謂陵谷變遷欲使人有所聞知但記姓名歷  
官祖父因蟻而已晉王戎墓銘云晉司徒安豐元公  
王君之銘唐開元時有人耕地得墓誌刻其文于銅  
盤之上曰右林左泉後崗前道萬世之寧茲焉是保  
又按漢滕公夏侯嬰石銘曰佳城鬱鬱三千年見白  
日吁嗟滕公居此室則墓之有誌其來遠矣

### 石羊虎

炙轂子曰秦漢以來帝王陵寢有石麒麟卯兕馬之  
屬人臣墓前始有石人羊虎柱之類皆表飾墳壠如  
生前儀衛也風俗通曰方相氏葬日入壙驅罔像罔

像好食死人肝腦人臣不敢備方相乃立其像于墓側又周像畏虎與栢故頂上栽栢路前立虎也盧思道西征記曰漢桂陽太守趙越墓前有石柱漢霍去病墓前立石人石馬然則其事始于漢也

### 碑

陸龜蒙曰碑悲也古者懸而窆用木書之以表其功德因留之不忍去蓋因喪禮豐碑之制葬時臣子追述君父之功以載其上秦漢以降生有功德政聲者亦碑之而又易之以石此又後世德政有碑之始也按管子曰古者無懷氏封泰山刻石紀功之始至堯

宋之世始有神道碑天子及諸侯皆有之其刻文止曰某帝某官神道之碑今世尚有之至後漢中山簡王薨詔大為脩塚塋開神道注云墓前開道建石柱以為標謂之神道也

禮儀雜說

天子崩七月而葬五重八昇諸侯五月而葬三重六昇大夫三月而葬再重四嬰此以多為貴也曾子曰喪有疾食肉飲酒必有草木之滋焉以為薑桂之謂也死而不弔者三畏厭弱戰陳無勇者不孝也其有畏而死者君子不立巖墻之下其有厭而死者孝子

舟而不游其有溺而死者三者皆非正命故先王制  
禮在所不弔夫弔喪弗能賻不問其所費問疾不能  
遺不問其所欲見人弗能館不問其所舍賜人者不  
曰來取與人者不問其所欲適其墓不登壠助喪必  
執紼臨喪不笑里有殯不巷歌適墓不歌哭日不歌  
送喪不由徑送葬不辟塗潦臨喪則必有哀執紼不  
笑男女不雜坐不同梳栢不同巾櫛不親授嫂叔不  
通問諸母不敎裳梳音移栢音架置衣服之具也中  
以允櫛櫛以理髮四者皆所以遠私褻之嫌敎者浣  
也裳者賤服諸母者父妾之有子者不使敎裳亦敬

父之道也女子已嫁而反兄弟弗與同席而坐不與同器而食寡婦之子非有見焉弗與為友有見者謂才能卓異也父之讐弗與共戴天兄弟之讐不反兵交游之仇不同國注云不反兵者謂常以殺之之兵器自隨也侍坐于先生先生問焉終則對請業則起請益則起父召無諾先生召無諾唯而起侍坐於所尊敬無餘席見同等不起註云所尊敬謂先生長者及有德有位之人無餘席謂已之席與尊者之席相近則坐於其端不使有空餘處則應對審也凡夜宴燭不見跂註云跂本也古者未有蠟燭以火炬照夜

原缺

周禮大宗伯以實柴祀日月星辰典瑞圭璧以祀日月星辰月令孟冬天子乃祈來年興天宗天宗謂日月祭日于壇祭月于坎以別幽明以制上下祭日于東祭月于西以別外內以端其位左傳曰日月星辰之神不祀則霜雪風雨之不時于是乎禋之

### 風雲雷雨

大宗伯以禋燎祀禋燎實司中司命星星第四五五觀師兩師小司寇孟冬祀司民輔轅獻民數于王我朝郊祀既設星辰二壇于上又有風雲雷雨之壇不以風雨為星唐天寶間詔祀兩師以雷師同壇此後

世祀雷之始周禮有風師雨師漢以丙戌日祀風師于戌地以己丑日祀雨師于丑地宋師北風師于西郊祀以立春後丑日北雨師于北郊祀以立夏後申日北司中司命司祿乃文星于南郊祀以立秋後亥日以雷師從雨師之位以司民從司中司命司祿之位皆各壇而祭未常合而為一

本朝于孟雨雷之外又加以雲合為一壇以從獻于郊祀又為壇于郊壇之西每歲仲秋

天子躬祀焉其得與並祀者太歲五嶽五鎮四海四瀆之神而以京畿山川四季月將京都城隍從享而



太歲城隍月將與雲皆前代所未祀也夫雲興而雨沛祀雨而遺雲可乎峙形于兩間皆以享祀流行于四時以司民耕作興作之後而無祭可乎名山大川遼絕于千里之外皆得入于望祀而

宸居所莅六宮百司三軍百姓之所居止者反遺之可乎我

聖祖獨斷神見其視前代九宮貴人之屬蓋有間矣

### 祭社

周書召誥戊午乃社于新邑牛一豕一羊一馬駟曰言社則稷在其中矣月令云仲春之月擇元吉命民

社注云社后土也使民祀之以祈農也近春分前後戊日乃元吉日也周禮地官大司徒設其社稷之壇而樹之各以其野之所宜木遂以名其社與其野小司徒凡建邦國立其社稷州長各以歲時祭祀州社大宗伯以血祭祭社稷小宗伯以掌建國之神位右社稷王制天子社稷皆太牢諸侯社稷皆少牢大社者天下之社國社者一國之社王社侯社一人之社也白虎通曰王者之有社稷者為天下祈福報功蓋謂人非土不立非穀不食土地廣博不可偏敬五穀衆多不可一一而祭也封土立社示有土尊稷得陰

陽中和之氣為五穀之長王者親祭社稷何也社者  
土地之神也土生萬物天下之所主也尊重之故自  
祭也禮記祭義云共共氏之子曰勾龍為后土能平  
水土故祀之以為社孝經緯曰社土地之主也土地  
潤不可盡祭故封土為社以報功也春祭社祈穀之  
生秋祭社祈穀之熟

### 宗廟

禮緯元命包曰唐虞五廟沿革亦云昔唐虞五廟夏  
后因之至商而七書咸有一德七世之廟可以觀德  
是也周兼文武二祧故九廟

郊丘

通典曰黃帝封禪天地郊丘之始矣內傳云王既會  
帝於蓬萊歸乃築圓壇以祭天方壇以祭地是祭圓  
丘方澤之始也史記封禪書曰漢武即位之明年初  
至雍郊見五時後常三歲一郊則郊以三歲是漢武  
始也

封禪

史記封禪書曰封泰山禪梁父者七十二家無懷氏  
為之始蓋在太昊之前也遁甲開山記則云太昊之  
後自女媧氏至無懷氏凡十五代乃在太昊後炎帝

前也

祭五嶽四瀆

月令孟春之月乃修祭典祀山林川澤季冬之月乃  
畢山川之祀周禮大宗伯以血祭祭五嶽以狸沈祭  
山林川澤小宗伯之職兆五帝于四郊四望亦如之  
兆山川丘陵墳衍各從其方王氏四望山川則鼂冕  
大司樂乃奏姑洗歌南呂舞大磬以祀四望乃奏騶  
賁歌函鍾舞大夏以祭山川王制天子祭天下名山  
大川五嶽視三公四瀆視諸侯諸侯祭名山大川之  
在其地者學記云三王之祭皆先河而後海

后土

西漢祭天於甘泉泰畤祭地以汾陰后土本漢祀地示之所出也  
南北郊然則汾陰后土本漢祀地示之所出也

城隍

按城隍之名經史不書伏讀我

太祖制詞云明有禮樂幽有鬼神城隍聰明正直聖  
不可知必有超于高城深地之表者此城隍之神所  
以神與

國初洪武元年皆加以封爵府曰公州曰侯縣曰伯  
三年詔革去封號止稱某府州縣城隍之神又設為

廟宇。

命京尹主其祭。府州縣守令主之。新官到任。俾其與神誓。按周禮有司民之祭。

國初詔封其神為監察司。民意或取于此歟。

五祀

龜

按儀禮有五祀之名。無其目。月令所謂門行戶竈中雷。白虎通載五祀無行而有井。漢及魏晉皆祭井不祭行。隋唐以來皆以時享宗廟并祭之本。

朝于四季享太廟。各祭其一。春祭戶。夏祭竈。秋祭門。冬祭井。季夏土旺祭中雷。歲暮享廟。命官無祭五祀。

即月令臘日享五祀也。

祭臘

說文曰冬至後三戌乃臘日也。按大蜡蜡音之祭三代已有之。廣雅曰夏曰嘉平商曰清祀周曰大蜡秦始名曰臘。漢以下因之。古之所祭者八神而已。皆有功于農事者。

配享

尚書盤庚之誥其臣曰茲予太享先王爾祖其從與享之。則功臣配享之禮由商人始也。

五卷終

事物原始卷之七終



新鐫古今事物原始全書卷之六

明臨安徐炬明夫采輯

仁和張樸仲明校正

姓

史紀云太昊曰庖犧氏風姓宜姓自太昊始唐玄宗問於張說曰今之姓氏皆云出自帝王之後古者無民耶說對曰古者民無姓有姓者皆有土有爵者故左傳云天子命德因生以賜姓胙之土而命之氏黃帝之子二十五人得姓者十四而已其後居諸侯之國土者其民以諸侯之姓為姓居大夫之采地者以

大夫之姓為姓莫可分辨故曰皆出自帝王也譬如  
今之巨族之義男多竊附主人之姓數代之後莫辨  
真偽以今証古甚明三代以前姓以別婚姻氏以辨  
貴賤三代以後姓氏浸廣年世既遠族類益繁於是  
以氏為姓而索之族矣自五胡金元華夷大混有以  
部落為姓有因功賜姓有因過因形避仇避難避嫌  
改姓者有慕前賢名字冒姓者有音訛及音同文異  
或文同音異轉姓者又不可勝紀

氏

左傳曰天子命德因生以賜姓胙之土而命之氏然

命氏之原尚矣。雖盤古亦稱氏。正義曰：氏者猶家也。別而稱之曰氏。合而言之曰族。曰姓氏者，姓以繫統，百世使不別；氏以別子孫之所出。

名

帝皇世紀曰：神農之母名安登，炎帝名魁，太昊之母名華胥。是名始于太昊之前矣。按周禮：子生三月，妻以子見于父，父執子之右手，咳而名之。名子不以山川，不以日月。左傳申繻曰：名有五，有信、有義、有象、有假、有類。以名生為信，以德命為義，以類命為象，取於物為假，取於父為類。不以國，不以官，不以山川，不以

隱疾不以畜牲不以噐幣周人以諱事神名終將諱  
之故以國則癢名以官則癢職以山川則癢生以畜  
牲則癢祀以噐幣則癢禮古者諱名不諱姓生曰名  
死曰諱今問人曰尊諱非也

字

帝皇世紀曰帝少昊名摯字青陽是則少昊金天氏  
始有字矣禮記曰冠而字之敬其名也王充曰古者  
立字晨名取同義如端木名賜字子貢宰予字子我  
是也公羊傳曰名不如字古之君子之名子也必以  
信義而擇淑令所以祥其名也不以官職所以殊其

名也不以畜幣所以重其名也不以隱疾所以顯其  
名也通告內外所以昭其名也書而藏之所以寶其  
名也賤者避焉所以貴其名也冠而有字所以尊其  
名也

號

古人稱號之始夏禹紫庭真人文王西明仙公孔  
丘麟翁又魯叟莊子闔編仙人漢武茂陵秋風客光  
武白水真人明皇孔昇真人明宗隱州別駕蘇權紫  
髯將軍李靖光霞仙人李伯清蓮居士騎鶴仙人錦  
袍仙杜甫浣花翁草堂先生杜陵老翁陶陶市車令

樂天醉吟柳子厚愚溪翁陸龜蒙甫里先生李象山  
王侯元結漫郎珣玕子富弼崑崙真人司馬溫公涑  
水先生又迂叟蘇洵老泉歐陽脩醉翁張載橫渠東  
坡熾眉先生又玉堂仙又玉局翁魯直金華仙伯又  
涪翁蘇恭直後湖病民又青翁陳无已后山居士劉  
原父公是先生劉貢父公非先生李伯時龍眠居士  
其間或人稱或自稱難以枚舉至於國朝或有因先  
世祖父為號者或以山川形勝為號者或以木石山  
居為號者或以經傳道家內典諸書摘取吊詭奇絕  
之言務為誇詡雖斯養齊易往之語云

八憶河東三鳳荀氏八龍此皆美也及宋季其譚名  
皆因人而稱焉如宋江能濟弱則曰及時雨張順善  
水則曰浪裡白跳蕭讓善書則曰聖手書生大抵或  
善或惡皆有譚焉

謚

周制大夫以上則有謚按史記神農氏以火德王故  
曰炎帝有熊氏以土德王故曰黃帝少昊顓頊帝嚳  
俱未聞有謚也至陶唐氏曰帝堯而謚法翼善傳聖  
曰堯則謚法宜自堯始舜帝但曰姓姚黃帝八代孫  
至禹則曰黃帝之玄孫按謚法受禪成功曰禹由此

觀之謚法之作其來尚矣

姓氏源流

趙錢孫李周吳鄭王

天水趙氏顓頊之後造父封趙城因氏造父原姬姓  
此以國為姓也 彭城錢氏顓頊之後裔陸終氏生  
彭祖其孫名孚周時為錢府上士此因官命氏也  
樂安孫氏周文王子康叔封衛至武公子惠孫魯耳  
為衛上卿因氏 隴西李氏顓頊後裔咎繇為大理  
官因姓理其孫理利貞逃難於伊尹之墟食木子而  
變姓李氏是因難而改姓也利貞乃李耳老君之後



一居隴西一居趙城居隴西者生漢李膺廣之後生  
唐高祖李淵汝南周氏無考渤海吳氏太伯仲雍  
封吳因氏榮陽鄭氏無考太原琅琊王氏周靈  
王太子晉之後北海東海高于天水諸郡各有派系  
本姓姬

馮陳褚衛蔣沈韓楊

始平馮氏周文王之子畢公高之後畢萬封魏支孫  
食采馮城本姬姓此以國為氏潁川陳氏周封舜  
之後胡公于陳因氏舜本姓河南褚氏本殷之  
後姓氏支孫公子右為褚帥因氏河東衛氏周

文王第八子康叔封于衛後國滅因氏為安樂蔣氏周公第三子伯齡封蔣城因氏國在汝南南陽韓氏其一唐叔虞之後曲沃桓叔之子萬食邑於韓因氏代為晉卿後分晉國以國為氏弘農楊氏唐叔虞之後伯僑封楊侯因氏一云周宣王曾孫封之後又云周景王之後

朱秦尤許何呂施張

沛國朱氏顓頊之後周封曹俠於鄴因氏天水秦氏顓頊嬴姓之後伯益裔孫非子周孝王封之於秦因氏吳興尤氏或曰尤游同称或曰石姓誤傳為

尤或曰尤起於仇皆怨之義俱無所據閩人避審知諱故沈姓去水為尤趙宋時寧國府諸尤多顯宦至翰林尚書八座者 高陽許氏本炎帝之後姜姓周武王封其裔孫太叔於許後遂以國為姓 盧江何氏周武王之弟唐叔虞裔孫韓安王之後以韓為何字隨音變遂為何氏韓與何是同姓 河東呂氏本炎帝之後姜姓至虞夏之際封於呂至周時其苗裔子孤以呂為氏 吳興施氏魯惠公之子施父尾生施伯因氏 清河張氏黃帝子青陽生揮為弓正觀孤星始置弓矢主祀孤星因氏

孔曹嚴華金魏陶姜

魯國孔氏宋孔父嘉之後 譙國曹氏顓頊玄孫陸  
終氏第五子安為曹氏周文王第十三子振鐸封曹  
亦為曹氏 天水嚴氏本莊姓楚王之曾孫以謚為  
姓楚有莊周漢有莊忌生助避明帝諱改姓嚴氏此  
乃避諱而改姓者 武陵華氏本宋戴公子考叔說  
食采於華因氏 彭城金氏少昊金天氏之後 鉅  
鹿魏氏周文王十五子畢公高封於畢其裔孫萬仕  
於晉封於魏因氏 濟陽陶氏乃陶唐氏之後又云  
虞思為周時之陶正因氏此以官為姓者 天水姜

氏黃帝生於姜水因氏此以所生之地名為姓者後  
太公封齊子孫散處天水上邽

戚謝鄒喻栢水竇章

渤海戚氏又東海戚氏衛大夫食采於戚因氏陳  
留謝氏炎帝之裔申伯受封於謝因氏今汝南謝城  
是也 范陽鄒氏無考 江夏喻氏亦作諭南昌亦  
有諭氏東晉有諭歸撰西河記 魏郡栢氏古栢皇  
氏之後栢招乃顓頊之師也栢同是帝嚳之師 吳  
興水氏無考 扶風竇氏夏帝相遭有窮之難昏緡  
方娘逃出自竇而生少康後因氏 河澗章氏齊太

公支孫封彭因氏

雲蘇潘葛奚范彭卽

琅琊雲氏有四春秋時為妘芸西漢時單為云北朝  
時始為雲其實一也雲姓乃縉雲氏之後少昊時以  
雲紀官故為雲師而雲官雲敬武功蘇氏顓頊祝  
融之後陸終生於昆吳封蘇因氏滎陽潘氏周文  
王畢公之子食采於潘因氏頓丘葛氏葛天氏之  
胤夏葛伯乃嬴姓國亦為葛氏譙國奚氏夏時奚  
仲為夏車正後奚仲居薛為湯左相高平范氏  
隴西彭氏大彭為商伯蓋陸終第三子彭祖卽大彭

也注云彭祖陸終氏第三子篋鏗之後又為大彭又為彭祖封於大彭百歲常會村人於慢亭 中山即氏魯懿公之孫費伯城於卽因氏

魯常昌馬苗鳳花方

扶風魯氏 京兆常氏豕常氏之後 汝南昌氏黃帝之子昌意之後 扶風馬氏本嬴姓百益之後趙王子趙奢封馬服君因氏奢之孫為趙所滅徙咸陽東陽苗氏楚大夫伯欒子賁皇奔晉官於苗因氏苗賁皇乃諸侯之選 邠陽鳳氏 東平花氏前代無考唐時有倉部員外郎花季睦 河南方氏周

大夫方叔之後一云方雷氏之後

俞任表柳鄭鮑史唐

河澗俞氏前趙劉聰時有中常侍俞容 樂安任氏  
黃帝子以德為姓六代至奚仲居薛秦有任鄙任座  
汝南袁氏爰轅姓同舜之後胡公之胤漢書作爰  
轅固漢人官拜清河王太傅 河東柳氏 京兆曹  
氏鄭穆公子豐之後春秋時有豐施豐卷 上黨鮑  
氏姒姓夏禹之後有鮑敬叔仕齊食采於鮑因氏  
京兆史氏周太史史夫之後以官為姓 晉陽唐氏  
又晉國唐氏陶唐氏之後裔封唐侯以國為姓



費庶岑薛雷賀倪湯

江夏費氏紂之幸臣費仲乃夏禹之後今益州諸費  
為巨族河東庶氏顓頊曾孫大廉之後以王父字  
為氏南陽岑氏周文王封異母弟耀之子渠為岑  
子今梁國有岑亭河東薛氏黃帝裔孫奚仲居薛  
至仲虺為湯相代為侯伯馮翊雷氏方雷氏之後  
廣平賀氏姜姓齊公族慶父之後千乘倪氏邾  
武公封次子於倪因氏中山湯氏商湯之後

滕殷羅畢郝鄔安常

南陽滕氏周文王子滕侯之後以國為氏汝南殷

氏 豫章羅氏祝融之後妘姓初封亶城徙枝江周  
末居長沙漢有梁相羅懷楚滅羅因氏 河南畢氏  
周文王第十五子畢公高之後 太原郝氏殷帝乙  
時王子胡封太原郝鄉因氏 潁川鄔氏春秋時王  
取鄔田於鄭鄭郡太守司馬牟之後晉有鄔大夫  
武威安氏漢時有安成安壽 平原常氏衛康叔支  
孫封常邑因氏一云黃帝臣常先之後

樂于時傳皮卞齊康

南陽樂氏宋微子之後戴公生公子衍字樂父子孫  
以王父之字為氏 河內于氏周武王第二子卬叔

之後以國為氏 隴西時氏齊之賢人時子之後  
清河傳氏傳說之後 天水皮氏周卿士樊仲皮之  
後濟陽卞氏曹叔振鐸之後食采於卞因氏 汝南  
齊氏炎帝姜姓之後太公望子牙受封 營丘為齊  
國因氏 京兆康氏衛康叔支孫

伍予元卞顧孟平黃

安定伍氏楚大夫伍參生舉舉生奢 下邳予氏秦  
田余代居欽州予與余通用 河南元氏衛大夫元  
咺之後食采於元因氏 西河卞氏周禮有卞人氏  
因氏 武陵顧氏夏殷侯顧伯之後又漢封越王勾

踐裔孫顧余侯因氏 平昌孟氏魯桓公子廋父之  
後號孟孫因氏 河內平氏 江夏黃氏陸終氏之  
後受封於黃因氏

和穆蕭尹姚邵湛汪

汝南和氏堯時和仲和叔因氏 河內穆氏宋穆公  
之後 河南蕭氏宋微子支孫封於蕭因邑命氏天  
水尹氏帝少昊封尹城因氏 吳興姚氏舜生於姚  
墟因氏此以所生之地名為姓 博陵邵氏武分邵  
伯邵廖邵昭公並其後也 豫章湛氏 平陽汪氏  
汪芒氏之後禮記有汪錡春秋時之童子也以功顯

魯孔子之譜系不傳

祁毛禹狄米貝明臧

太原祁氏晉大夫祁奚之後一云堯時伊祁氏之後  
河內毛氏周文王第九子毛伯封毛國因氏隴  
西禹氏天水狄氏周成王封少子於狄城因氏覆  
姓庫狄氏鮮卑段疋碑之後齊時有庫狄峙為中書  
舍人參掌機密魏時有庫狄干為定州刺史京兆  
米氏其先出西域米國清河貝氏吳興明氏  
東海臧氏魯孝公子彊食采於臧因氏是為僖伯  
計伏成戴談宋茅龐

京兆計氏越人計然之後趙宋時有計有功紹興中  
獻所著晉鑑 太原伏氏伏羲氏風姓之後 上谷  
成氏周文王第五子成叔武之後子孫去邑為成  
譙國戴氏宋戴公之後以謚為姓 廣平談氏不知  
何自按春秋伐邾邾子來朝疑邾即談也 京兆宋  
氏微子啓封於宋二十六代為楚滅後以國為氏  
東海茅氏周公第三子茅叔封茅國因氏 始平龐  
氏周文王子畢公之後封龐鄉因氏

熊紀舒屈項祝董梁

江陵熊氏楚鬻熊之後又云黃帝有熊氏之後 高

陽紀氏平陽紀氏本姜姓炎帝之後封紀為齊所滅  
以國為氏 京兆舒氏舒子之後以國為氏 臨海  
屈氏楚公族芊姓之後楚武子瑕食采於屈因氏  
遼西項氏以國為姓項訖八歲服孔子耳羅十二事  
呂不韋 太原祝氏周武王封黃帝之後於祝以國  
為氏或云祝史之後以官為氏 隴西董氏黃帝之  
後已姓之後國有安生董父舜賜姓董氏孔子曰董  
狐古之良史也 安定梁氏伯益之後秦仲有功周  
平王封其少子於夏陽是為梁伯因氏

杜阮藍閔席季麻強

京兆杜氏帝堯劉累之後在周為唐杜氏成王滅唐  
迂於杜為杜伯後為宣王所滅杜氏分散適魯杜洩  
是也 陳留阮氏殷有阮國在波湄之間以國為姓  
汝南藍氏汝南出自藍田春秋時魯大夫藍尹賈  
隴西閔氏閔損孔子弟子 安定席氏 渤海季  
氏陸終氏之子季連之後一云魯桓公之子季友之  
後 上谷麻氏齊大夫麻嬰之後 天水強氏丹陽  
強氏宋濬寧間兄弟五人浚明淵明偉明陟明猷明  
俱以文季踵登進士第

賈路姿危江童顏郭



武成賈氏唐叔虞少子父明康王封之賈晉滅之因  
氏又云本周賈伯之後 內黃路氏黃帝封支子于  
潞春秋時有潞子嬰兒今上黨潞縣後去水為路  
譙國婁氏本朱婁國之後婁敬勸高帝都關中賜姓  
劉封奉春君 杞國樓氏夏少康之後周封杞東樓  
公因氏漢時樓護字君卿與谷永俱為五侯上客  
留昌危氏 淮夏江氏又濟陽江氏伯益之後封于  
江因氏 厲門童氏顓頊生老童因氏 魯國顓氏  
魯伯禽支庶食采于顓因氏又邾武公字曰顓子孫  
遂以父字為姓 太原郭氏周文王弟虢叔封虢或

曰郭公声之轉也

梅盛林刀鍾徐丘駱

汝南梅氏殷之後殷時有梅伯以國為氏本汝國梅氏因漢將軍梅銷六代孫喜迁居汝南 廣陵盛氏西河林氏殷比干之子堅逃難長林山因氏 弘農刁氏齊大夫豎刁之後晉刁協拜左僕射趙宋時有刁約直史館 東海鍾氏潁川鍾氏宋微子之後桓公曾孫食采鍾離因氏 渤海徐氏顓頊之後嬴姓伯益之後受封于徐因氏徐穉字孺子陳蕃尊禮之下榻以待漢桓帝徵之不至為高州高士高昌人

河南丘氏 內黃駱氏齊太公之後有子駱以王父字為氏

高夏蔡田樊胡凌霍

渤海高氏齊太公六代孫文公子高孫僂以父字為姓 會稽夏氏夏后氏之後又陳宣公御叔亦為夏氏徵舒其後也 濟陽蔡氏周文王第十四子蔡叔度主蔡仲胡受封于蔡因氏 鴈門田氏舜之後陳厲公子完仕齊號田氏 上黨樊氏周文王子虞仲支孫食采于樊因氏安定胡氏舜之後胡公封陳因氏胡建安定人為渭城令 河間凌氏衛康叔支子

為周凌人後遂為凌氏 太原霍氏周文王第六子  
霍叔之後今河東有霍邑以國為氏

虞萬支柯咎管慮莫

陳留虞氏舜國號虞舜之子商均封于虞因氏 扶  
風萬氏畢萬之後一云芮伯萬之後 邵陽支氏支  
堆傳一其先月支胡人今瑯琊有支氏晉支遁字道  
林高僧也 濟陽柯氏按河南官氏志有柯拔氏按  
宋書沈文貴傳錢塘富人柯降 太原咎氏 平昌  
管氏周文王第三子管叔鮮受封于管因氏今鄭州  
管城是也 范陽盧氏齊太公望之後至文公子高

高之孫倭食采于盧因氏 鉅鹿莫氏漢時有富人  
莫氏大曆中有北部員外郎莫藏用

經房裘繆干解應宗

范陽經氏 清河房氏堯之子丹朱封房邑侯其子  
陵以父封國名為氏四十八代孫雅王莽末為清河  
守始居清河 渤海裘氏 蘭陵繆氏與穆姓通用  
秦穆公之後繆音穆 潁川干氏 平陽解氏晉大  
夫解揚解狐之後其先食采于解因氏 汝南應氏  
周武王第四子應侯之後 京兆宗氏周大夫宗伯  
之後以官為氏

丁宣賁鄧郁單杭洪

齊陽丁氏齊太公生丁公伋伋之支孫以謚為姓

始平宣氏魯大夫叔孫宣伯之後又云宋宣公之後

宣城賁氏漢時有賁伯偉晉時有賁高乃清操之

士與騎氏同用燕時有騎叔為將膽勇過人南陽

鄧氏本殷時曼姓之國春秋時楚滅鄧因氏黎陽

郁氏魯國語云郁貢為魯相南陽單氏周成王封

少子臻于單因氏餘杭氏後漢杭徐為太山都

尉代居丹陽燉煌洪氏共工氏之後避仇改姓洪

包諸左石崔吉紐龔

上黨包氏楚大夫申包之後 瑯琊諸氏越大夫諸  
稽郢之後 濟陽左氏齊公侯有左右公子因氏  
武威石氏衛大夫石碯之後又云 石鯨仲衛大夫  
生石初子石碯碯對衛君曰臣聞愛子者教之以義  
方君子曰石碯純臣也出左傳石奮父子五人皆二  
千石號萬石君後秦彭與諸從同時為二千石者五  
人亦號萬石君 博陵崔氏齊太公孫讓國居崔邑  
因氏其後居清河居博陵並為著姓 馮翊吉氏黃  
帝之胤一云尹吉甫之後 吳興紐氏 武陵龔氏  
龔勝龔舍並著名節

程稽邢滑裴陸榮翁

安定程氏顓頊重黎之後周時程伯休父其後也

譙國稽氏 河間邢氏周公第四子封于邢為衛所

滅因氏 下邳滑氏左傳云虞虢焦滑皆姬姓也以

國為氏鄭大夫滑羅漢詹事滑興 河東裴氏 伯

益之後秦非子之支孫封蜚鄉侯因氏六代孫陵封

解邑君乃除邑從衣至今為裴姓也 河南陸氏齊

宣王封少子于平原陸鄉因氏 上谷榮氏 鹽官

翁氏周昭王庶子食采翁山因氏

荀羊於惠甄趙家封



水關氏三國吳有關澤

天水那氏

范陽簡氏

左傳晉大夫孤鞠居食采于簡因氏 平陽饒氏  
頓丘空氏即司空氏詳見司空氏下

曾毋沙七養鞠須豐

魯國曾氏夏少康封少子曲烈于鄆春秋言滅之鄆  
太子巫仕魯去邑為曾氏 雒鹿母氏 汝南沙氏  
東莞沙氏今教門有沙氏 晉昌七氏 山陽養氏  
楚有養由基孝子傳有養奮良養彭舒 山陽鞠氏  
又汝南鞠氏后稷生不窟不窟生鞠有文在手曰鞠  
因氏 渤海須氏太昊風姓之後有須勾國以國為

氏 栢陽曹氏鄭穆子曹之後

巢閔荆相查後荆紅

彭城巢氏有巢氏之後堯時有巢父洗耳 隴西閔氏閔令尹喜之後又夏大夫閔龍逢之後 襄陽蒯氏晉大夫蒯得之後 魏郡相氏 汝南查氏 東海後氏 廣陵荆氏 平昌紅氏楚元王子紅侯劉富之後

游竺權得蓋益桓公

廣平游氏 東海竺氏本天竺胡人後漢時歸中國國氏漢有擬陽侯竺昱 天水權氏楚若敖之孫闔

井段富巫烏焦巴弓

扶風井氏 京兆段氏鄭武公子共叔段之後 濟  
郡富氏周大夫富辰之後又魯大夫富父終身之後  
鄭大夫有富子 平陽巫氏巫咸之後 潁川卽氏  
中山焦氏周封神農之後于焦因氏 平陽巴氏  
昔有巴子國以國為氏有巴寡婦得丹穴獨擅其利  
人不敢犯始皇以為貞婦而容禮之為築懷清臺人  
今寡婦立貞節牌坊宜始此 太原弓氏魯大夫叔  
弓之後

牧隗山谷車侯靈逢

弘農牧氏黃帝臣力牧大將之後 於抗隗氏疑與  
牧同用有枚乘淮陰人游說之士漢武帝以安車蒲  
輪徵之 河內山氏周時有山師之官掌山林以官  
為氏一云烈山氏之後 上谷谷氏漢衛司馬谷吉  
代居長生谷永 京兆車氏漢丞相田千秋以年老  
詔乘小車出入省中號車丞相後因氏 上谷侯氏  
東海侯氏按周禮有侯人氏以官為姓 平昌靈氏  
孔子弟子有靈不齊字子賤又靈妃乃伏羲氏之女  
溺洛水為神曹植有洛神賦與伏姓通用又與宓同  
長樂逢氏夏殷諸侯逢公伯陵封齊士因氏有逢

蒙李射于羿

全郝班仲秋仲伊宮

京兆全氏與泉姓同魏封全琮孫暉于白水改姓泉  
全崇年餘以米數千斛賑貧有泉元禮洛州刺史導  
梁州刺史山陽郝氏扶風班氏楚令尹子文為  
虎乳謂有班文因氏汝南仰氏天水秋氏中  
山仲氏八元仲堪仲熊之後一云魯桓公慶父子孫  
號仲孫之後又云湯左相仲虺魯仲由之後太原  
伊氏陳留伊氏堯時伊祈氏之裔孫伊尹太原宮  
氏宮之奇之後

甯仇藥暴其斜厲戎

齊郡甯氏衛康叔之後至武公生季亶食采于甯弟  
須叔之後生喜九代卿族 南陽仇氏或曰尤起于  
仇尤仇皆怨之義俱無所據 西河藥氏唐叔聖之  
後晉靖侯孫賓食采于藥因氏 魏郡暴氏暴公周  
之卿士暴辛周之諸侯 渤海其氏夏時有其侯國  
因氏又云周封王子帶于其昭公是也殷有其盤其  
茂下蔡人李百家說為秦左丞相顯名諸侯重強齊  
楚茂之孫其羅年十二事丞相呂不韋不韋言羅年  
少然名家子孫始皇以為上卿秦使張唐使燕唐辭

耳羅曰臣請行之文信侯叱之耳羅曰項橐七歲為  
孔子師今臣十二矣若其試臣何處叱乎于是見張  
卿太子 河西釧氏 平陽厲氏齊厲公之後 江  
陵戎氏與莪同用齊人戎狄之後

祖武符劉景詹東龍

范陽祖氏殷祖乙祖甲之裔 太原武氏 瑯琊符  
氏魯頃公孫公雅為秦符璽令因氏符存審五代人  
晉王以為義兒軍賜姓李氏 彭城劉氏陶唐氏之  
後受封于劉裔孫劉累事夏孔甲在夏為御龍氏商  
時為豕鬻氏周時為杜惠氏杜伯子隄叔奔晉為士

氏孫士會適秦後奔晉處者為劉氏周大夫食采于  
劉亦為劉氏士會之後徙豐沛至豐公生熒熒生漢  
高帝 晉陽景氏京兆景氏茅姓楚公族也漢初徙  
山東豪族于關中今好時華陽諸景是也楚有景差  
何間詹氏周宣王支子賜姓詹封詹侯又云楚尹  
之後 南陽東氏踈廣之後曾孫孟達避王莽亂自  
東海徙涉鹿山因去足為東氏 武陽龍氏舜臣龍  
之後又云秦龍氏之後

葉季司韶卻黎蒯薄

南陽葉氏

薦門韋氏晉韋靈小人侵辱之無愠色



頓丘司氏瑕丘司氏 太原郛氏 京兆郛氏  
文王第十一子封於郛左傳郛雍曹文公之昭也  
郛大昂于宋以國為氏 京兆黎氏九黎之後 內  
黃薊氏 鴈門薄氏風俗通云衛有賢人薄疑漢有  
薄太后

印宿白懷蒲印從鄂

馮翊印氏鄭穆公子印之後鄭大夫印段 東平宿  
氏伏羲氏風姓之後宿國屬東平以國為氏 南陽  
白氏黃帝之後秦大夫白乙丙楚有白公勝周有白  
圭 河內懷氏無懷氏之後顧雍傳有尚書郎懷叙

河東蒲氏與符姓通風俗通云有詹事蒲昌而符  
洪原有苞氏之裔世為西戎酋長本姓蒲改姓符  
平蘆卽氏即平蘆臺氏與卽姓同用后稷封于卽春  
秋時有臺駘即卽國之名漢侍中臺崇東莞從氏  
漢時從公為將軍武昌鄂氏晉鄂侯之後漢時功  
臣鄂千秋封安平侯

索威籍賴卓蘭屠蒙

武威索氏族人索氏之後晉索湛為北河太守湛之  
子索靜稱燉煌五人汰南咸氏廣平籍氏賴  
川賴氏按左傳有賴國為楚所滅因氏漢有交趾太

守賴先 西河卓氏 中山藺氏 晉韓厥 支孫食采  
于藺 因氏 陳留屠氏 晉大夫屠蒯 晉將屠岸賈之  
後 安定蒙氏 東蒙主 因氏 焉 秦蒙恬為將 威鎮匈奴  
池 喬陰 鬱胥 能 蒼 雙

西平池氏 漢池瑗為中牟令 魏池仲魚為城門侯  
梁國喬氏 與橋姓通 黃帝葬橋山 因氏 始平陰氏  
周文王第三子管叔 鮮之後 晉夷吾七代孫脩 道楚  
為陰大夫 因氏 又云陰康氏之後 周有陰不佞 漢時  
陰隣女為光武后 太原鬱氏 瑯琊胥氏 春秋時  
衛有胥申 父晉有胥偃 太原能氏 武陵蒼氏 與

倉姓通用八凱倉舒之後又黃帝之史官蒼頡之後  
春秋時有蒼葛 天水雙氏顓頊之後封雙蒙城因  
氏

聞莘党翟譚貢勞逢

吳興聞氏 天水莘氏夏后氏啓支子封莘因氏  
馮翊党氏與馮翊黨姓通夏后氏之後秦有將軍党  
耐虎唐有党芬為孔目 南陽翟氏黃帝之後居翟  
地因氏 弘農譚氏 廣陵貢氏 松江勞氏武陽  
勞氏其先居東海勞山因氏晉有三公即勞霸後漢  
有監帥勞丙 譙國逢氏

姬申扶堵冉宰卿雍

南陽姬氏周文王姬姓 魏郡申氏姜姓炎帝四岳  
之後封于申號申伯因氏 京兆扶氏本乞扶氏改  
姓扶氏漢有扶嘉為廷尉 河東堵氏按左傳鄭有  
堵叔叔詹師叔三良為政未可間也 武陵冉氏  
西河宰氏周大夫宰孔周公之後以官為氏宰子孔  
子弟子 新蔡鄭氏 京兆雍氏雍諱周文王第十  
二子雍伯之後以國為氏

卻瓊桑桂濮牛壽通

魯陽卻氏又濟陰卻氏晉大夫卻文生豹豹生萬

生缺缺生克生錡代為晉侯

黎陽璩氏

黎陽桑

氏

天水桂氏漢有桂褒為楊州刺史

魯國濮氏

隴西牛氏

京兆壽氏

西河通氏巴大夫食采

通川因氏

邊扈燕龔郊浦尚農

隴西邊氏子姓宋公子邊之後邊韶漢人

京兆扈

社氏夏時有扈氏之後扈寅為晉尚書令史

范陽

燕評氏始與燕氏召公奭封燕傳四十二代秦滅之

因氏

渤海龔氏左傳有龔國晉大夫郊蒍食采于

冀邑因氏

武陵郊氏

京兆浦氏

上黨尚氏京

兆尚氏齊太公號太師尚父因氏 鴈門農氏

溫別莊晏柴瞿閻充

太原溫氏唐叔虞之後晉公族受封河內之溫地因氏 京兆別氏 天水莊氏楚莊王之後以謚為姓 齊郡晏氏齊公族晏桓子名弱生嬰 平陽柴氏 孔子弟子高柴之後漢有棘蒲侯柴武晉時有太守柴文 松陽瞿氏河東裴桃兒娶蒼梧瞿室之女後繼瞿姓焉 太原閻氏周武王封太伯曾孫仲突于閻鄉因氏又云唐叔虞之後公族食采于閻邑因氏 燉煌充氏又贊皇充氏漢有充申仙人充尚之後

慕連茹習宦艾魚容

熒煌慕氏 上黨連氏齊大夫連稱之後 河內茹氏齊有茹法亮仕齊勢傾天下 東陽習氏風俗通云習國名也漢有習鑿為陳相習鑿齒字彥威襄陽人有才氣自云四海習鑿齒 中山宦氏 天水艾氏婁子春秋云齊大夫艾孔之後 馮翊魚氏又鴈門魚氏宋子魚之後宋魚石為左師宋魚府為少宰

熒煌容氏南容氏之後

向古易慎戈廖度終

河內向氏宋桓子向父朕朕孫向戌為左師子孫因



氏馬向魁宋司馬成之曾孫新安古氏周太公古  
公之後與詒姓通太原易氏齊大夫易牙之後  
天水慎氏戰國慎到為韓大夫務刑名李臨海戈  
氏武威廖氏古有廖叔安春秋伯嚭是也齊郡  
廋氏堯時掌廋之大夫以官為氏南陽終氏陸終  
之後終軍字子雲

暨居衡步都耿蒲弘

渤海暨氏渤海居氏鴈門衡氏又平陽衡氏伊尹  
為阿衡因氏一云魯公子衡之後平陽步氏按左  
傳晉大夫步陽之後食采于步因氏仲尼弟子步乘

又有步鹿氏改步氏 黎陽都氏本姓苑有臨淄侯  
都稽因氏 高陽耿氏殷時有耿侯因氏書云祖乙  
祀于耿 河東蒲氏 太原弘氏

匡國文冠廣祿闕東

晉陽匡氏魯匡邑宰匡句須之後 下邳國氏齊卿  
族國氏代為上卿又鄭穆公子發字子國生僑字子  
產以王父字為氏 鴈門文氏周文王支孫以謚為  
姓 上黨冠氏周蘇忿生為司冠因氏一云衛康叔  
為司冠因氏 丹陽廣氏風俗通云廣成子之後  
扶風祿氏殷紂子武庚字祿父以王父字為氏 下

邴闕氏風俗通云闕黨童子之後闕邴為漢荊州刺史  
平原東氏舜七友東不訾之後

歐及沃利蔚越夔隆

平陽歐氏 武陵及氏 太原沃氏風俗通云殷王  
沃丁之後吳人沃焦成仙 河南利氏漢時有利幾  
又仙人利貞源 瑯琊蔚氏鄭大夫尉翊之後古有  
尉繚子著書號尉繚子魏孝文改為尉 晉陽越氏  
夏少康之後姒姓越王勾踐裔孫以國為氏一云越  
姜氏改為越氏 京兆夔氏以國為氏趙人夔安燕  
人夔騰南陽隆氏

師鞏庫聶晁勾評教評融

太原師氏鄭時有師叔堵叔詹之三良因氏山

陽鞏氏內黃庫氏守庫大夫之後河東聶氏衛

大夫食采于聶因氏京兆晁氏按左傳王子朝之

後又衛大夫史朝之後晁與朝通又與晁平陽勾

氏勾芒氏之後史記有勾強譙國教氏顓頊之師

大教之後南康融氏祝融氏之後

冷訾評辛闕那簡饒空

京兆冷氏伶倫之後音訛以伶為冷渤海訾氏帝

嚳訾取之後漢有樓虛侯訾順隴西辛氏天

河內荀氏周文王子卽侯之後荀林父晉之良臣荀  
卿趙人五十游李于齊齊王用為祭酒適楚為蘭陵  
令太山羊氏河上羊氏晉大夫羊舌之後生厓叔  
向魴叔魚春秋末始單姓羊按羊舌肸即叔向晉上  
大夫有攘羊者以頭遺叔向母埋之三年事發追捕  
向家頭肉俱尽惟有舌在國人異之遂以羊舌為氏  
頓丘覆姓公羊氏魯人公羊高子夏弟子著春秋  
京兆於氏扶風惠氏周惠王支孫以諡為姓漢交  
趾太守惠乘太僕惠根中山甄氏吳興趙氏漢  
趙譚生閼避難居西平十一代孫嘉仕沮渠氏趙允

西州豪族語曰趨興塩牛筆下數頭南門朱門北望  
青樓 京兆家氏 渤海封氏炎帝之後封鉅為黃  
帝師因氏

芮羿儲靳汲芮縻松

平原芮氏周司徒芮伯萬之後左傳有芮伯字良夫  
濟郡羿氏 河東儲氏孟子曰儲子為相 西河  
靳氏列國時靳尚楚之倖臣諧言屈原清河汲氏  
平陽邢氏與丙姓通齊大夫丙馱之後一云晉大夫  
丙豫食采于邢因氏 汝南縻氏三國時有縻芳縻  
竺 東莞松氏秦始皇封松為大夫因氏

緡尹權因氏秦迂大姓因居天水 廣平祿氏殷紂  
子武庚字祿父以王父字為氏 汝南蓋氏 馮邨  
蓋氏舜臣伯益之後以字為氏 譙國桓氏齊桓公  
之後宋桓公後向魑亦號桓氏 柘陽公氏魯昭公  
子公偃公為之後漢時公儉為主爵都尉

覆姓萬侯司馬上官歐陽

蘭陵萬侯氏宋時有万侯高 河內司馬氏重黎之  
後周宣王時裔孫程伯休父為司馬以官為氏 天  
水上官氏 楚王子蘭為上官邑大夫因氏漢有上  
官傑又有東陽官氏 渤海歐陽氏越王勾踐支孫

封烏程歐陽亭因氏又有玉田陽氏周景王封少子于陽樊因氏

夏侯諸葛聞人東方

譙國夏侯氏三國時有夏侯淵瑯琊諸葛氏本諸伯後葛氏舊居瑯琊諸縣後徙陽都時人稱諸葛氏又云葛嬰為陳涉將非罪而誅漢文帝封其孫為諸縣侯因氏諸葛烏河南聞人氏平原東方氏本舜七友東不訾之後漢武帝時有東方朔

赫連皇甫尉遲公羊

渤海赫連氏

平原皇甫氏

太原尉遲氏晉時有



得昭唐有尉遲敬德 頓丘公羊氏魯人公羊高子  
夏弟子著春秋

澹臺公冶宗政濮陽

太山澹臺氏春秋時有臺駘又有澹臺城明 魯國  
公冶氏孔子弟子公冶長解鳥語 彭城宗政氏疑  
即周大夫宗伯之後 博陵濮陽氏

淳于單于太叔申屠

河內淳于氏戰國時有淳于髡 千乘單于氏 東  
平太叔氏 京兆申屠氏

公孫仲孫軒轅令狐

高陽公孫氏漢時公孫弘 高陽仲孫氏齊人仲孫  
湫其叔孫氏本魯桓子叔牙之後叔孫僑如叔孫武  
叔皆其後也 卻陽軒轅氏黃帝軒轅氏之後 太  
原令狐氏周文王畢公高之後魏顆封令狐因氏有  
令狐楚知制誥箋奏制令其子令狐綯為孝士對禁  
中燭盡以金蓮華炬送還

鍾離字文長孫慕容

會稽鍾離氏本宋微子後桓公曾孫食采鍾離因氏  
鍾離昧為項羽將 趙郡字文氏 濟陽長孫氏本  
魏文帝兄後、氏改為長孫氏有長孫道生為三公

長孫晟善射突厥畏之 燉煌慕容氏

司徒司空

趙郡司徒氏 頓丘司空氏

百家外雜姓

種鳩隨裨歸蘧鋤樗踈塗

河東種氏漢時種暘為司馬 鳩氏舜居瀋汭因氏

後漢有鳩覽河內隨氏與隋姓同漢有隋何 裨氏

鄭大夫有裨謚 京兆歸氏春秋時晉有婦人名歸

生因氏唐有詩人歸日安 蘧氏衛大夫蘧伯玉

鋤氏晉趙盾時有鋤麇 樗氏秦丞相有樗里疾

東海疎氏疎廣為漢太子太傅 塗氏南唐有塗廩  
補豫章記

獨孤來辛賁籍原西門蘭檀家商

高平獨孤氏獨孤信善騎射唐人獨孤及兒時讀孝  
經父試曰兒志何如對曰立身行道揚名于後世

來氏唐武后時酷吏來俊臣作鉄雞籠 隴西辛氏

夏后啓針艾子于莘後去草為辛周太史辛甲辛慶

忌 賁氏真城縣賁父之後風俗通云魯有賁浦溪

有賁先 原氏孔子弟原憲 晉陽覆姓西門氏鄭

大夫居西門因氏 列子傳有西門子魏文侯時有

西門豹 中山蘭氏鄭穆公支孫漢蘭廣為武威太守  
檀氏晉將有檀道濟 京兆家氏周大夫家父  
之後詩云家父作誦又云家伯維宰 汝南商氏以  
國為氏魯有商瞿受易于孔子父衛鞅受封于商因  
氏

穰音韞斟音斟智音智醵音醵豫音豫度音度祭音祭介

穰氏齊將穰宜 荀氏閔有荀躋荀廣二流 遼西  
斟氏與針姓通夏諸侯斟灌斟尋之後並祝融之後  
謹氏漢和帝時謹禮為薛令 智氏晉智氏之先  
與中行氏同出于荀氏自荀首分公族稱智氏首即

智季謚莊子也 摯氏以國為姓摯恂漢永初中隱  
于南山不應徵聘名重關西 豫氏晉時有義士豫  
讓 度氏漢時度尚為上虞長 太康祭氏周公第  
五子祭伯支孫以國為氏 介氏列國時晉有介之  
推

晉頓灌樊淖到暢况敬慶

平陽晉氏周武王第三子叔虞封唐唐有晉水因改  
名晉以國為姓魏將有晉鄙 頓氏周末時有頓弱  
游說之士 灌氏古諸侯斟灌氏之後 樊氏犇陽  
國志昌寧大姓有樊習 淖氏有淖齒 到氏楚令

尹屈到之後 暢氏齊有暢惠明撰論語集註 况  
氏蜀有况長寧 平陽敬氏陳厲公子敬仲之後以  
謚為姓又黃帝孫少康之後秦有敬丕子教為平陽  
太守避宋廟諱改姓苟姓文皆敬姓之分也 慶氏  
晉大夫有慶鄭齊大夫有慶封

正繡園苑散扁展蹇棗倚

正氏周末時有正考父魏有正帛為永昌守 繡氏  
按漢游俠傳有馬領繡君實 園氏春秋時有園伯  
椒 范陽苑氏殷武苑子文封苑城因氏春秋時有  
苑何忌為齊大夫 散氏周時有散宜生 南陽扁

氏扁散勸海人姓秦名越人 展氏魯孝公子庶之  
後無駸卒公命以字為展氏有展禽名獲為士師三  
黜食邑柳下謚曰惠其弟盜跖 蹇氏春秋時秦蹇  
叔諫伐晉漢有蹇蘭為交趾太守 棗氏本姓棘有  
棘子成後賸仇改為棗漢末有棗祗為屯田都尉  
倚氏楚左史有倚相

耳汝巨楚第伍隗乞伏服鬻曲

耳氏 江陵汝氏汝鳩汝方之後與女姓同晉大  
夫有女叔齊漢時女郁迂魯相以德化人 巨氏漢  
巨無霸身長一丈腰大十圍 江陵楚氏以國為姓



楚建中得與耆英會隴西第伍氏齊田氏之後漢  
初田氏徙居園陵者多故以次第為姓餘抗隗氏  
翟國隗姓因氏覆姓乞伏本鮮卑乞伏部酋帥因  
氏有乞伏國人称西秦乞伏蕙慷慨有大節為隋涼  
州總管服氏服虔作春秋左氏傳解鬱氏鬱熊子  
年九十為文王師鬱拳強諫楚子臨之以兵惧而從  
之拳曰吾罪莫大焉遂自刎曲氏曲環陝州人善  
騎射宋曲端乃名將

續嶽卓到漆帥訖藥帛伯交

鴈門續氏晉大夫狐鞠居續因氏嶽氏嶽飛字鵬

舉初生有禽若鵬飛鳴屋上因名西河卓氏又蜀  
郡卓氏同鉄冶致富漢有卓茂父子仕後漢官皆至  
郡守 邳氏漢邳邳迂中尉行法不避貴戚號蒼鷹  
漆氏魯相漆彫開之後世有北海青州望族漆沈  
為魯相其先居雍州漆水因氏 帥入氏晉尚書師  
曷避司馬師諱改姓帥今昌化縣有帥誌氏皆呼曰  
帥誌疑即帥入氏之後而本姓師也 京兆葉氏漢  
明帝時有葉崧忤旨帝怒崧避入床下帝以木撞之  
崧曰臣聞天子穆穆諸侯惶惶未聞天子自起撞即  
帝乃止 帛氏有仙人帛和晉佛圖澄姓帛氏 伯

氏吳太宰伯嚭 麥氏隋時有麥鉄杖稱勇將  
編脩吳沈作千家姓表進凡一千九百六十八姓尚  
有遺者

事物原始卷之八終